

Ispravka javnog poziva za učešće za dostavljanje ponuda u postupku „Pružanje usluga na području odnosa s javnošću, kriznog komuniciranja i kriznog PR-a“

U skladu sa članom 53. stav (6) Zakona o javnim nabavkama BiH ugovorni organ vrši ispravku tenderske dokumentacije za predmet nabavke "Pružanje usluga na području odnosa s javnošću, kriznog komuniciranja i kriznog PR-a" broj: 156-1/19 od 25.01.2019. godine, vrši se izmjena u dijelu tačke:

3.2 Tehnička i profesionalna sposobnost Ponuđača i sada glasi:

Ponuđač je, u svrhu dokazivanja tehničke i profesionalne sposobnosti, dužan dokazati tehničku opremljenost i osposobljenost za izvršenje usluga koje su predmet nabavke i osiguranje kvaliteta.

Ponuđač je, u svrhu dokazivanja tehničke i profesionalne sposobnosti dužan dostaviti posebnu Izjavu kojom potvrđuje:

1. Da ima uspješno iskustvo u posljednje dvije godine u realizaciji jednog ugovora istih ili sličnih usluga¹ u odnosu na predloženi ugovor u prethodne dvije godine² čija vrijednost³ iznosi minimalno 80.000,00 KM bez PDV-a ;
2. Da ima na raspolaganju najmanje 2 konsultanta iz područja savjetovanja u odnosu s javnošću, od toga jednog sa najmanje pet godina radnog iskustva u struci sa iskustvom u području kriznog komuniciranja;
3. Da ima na raspolaganju odgovarajuće osoblje za pružanje usluga treninga za javni nastup iz oblasti turizma;
4. Da ima na raspolaganju najmanje jednog PR stručnjaka, koji ima iskustvo na poslovima obučavanja osoblja za djelovanje u javnosti.

Obrazac Izjave o ispunjenosti uslova tehničke i profesionalne sposobnosti je u prilogu i sastavni je dio ovog Poziva.

Ponuđač je obavezan u **sklopu ponude** u svrhu dokazivanja činjenica navedenih dostaviti sljedeću dokumentaciju:

1. Spisak ugovora koji su za predmet imali izvršenje istih ili sličnih usluga u odnosu na predloženi ugovor koji je/su izvršeni u posljednje dvije godine ili od datuma registracije, početka poslovanja, ako je registrovan, počeo sa radom prije manje od dvije godine;
2. potvrdu o zadovoljavajućoj izvedbi usluga za jedan ili više izvršenih ugovora;
3. za osobe koje će biti angažirane na izvršenju predmetnih usluga:
 - radnu biografiju, potpisane izjave angažiranih osoba da će raditi na pružanju predmetnih usluga, za osobe koje su u radnom odnosu kod ponuđača potvrdu/listing nadležne institucije (Porezna uprava), a za osobe koji nisu u radnom odnosu kod ponuđača original ili ovjerenu kopiju ugovora o angažmanu.

Potvrda koju izdaje Naručilac usluga o uredno izvršenim ugovorima mora sadržavati sljedeće podatke:

¹ Pod istim ili sličnim uslugama podrazumijeva se sljedeće: odnosi sa medijima, krizno komuniciranje. Usluge savjetovanja, vođenja i davanja uputa (edukacija osoblja za javni nastup-pojavljivanje rukovodstva ugovornog organa u medijima, u vezi s prezentiranjem tema naglaskom na krizno komuniciranje)

² Prethodne dvije godine se računaju od datuma predaje ponude

- a) naziv i sjedište ugovornih strana ili privrednih subjekata,
- b) predmet ugovora,
- c) vrijednost ugovora,
- d) vrijeme i mjesto izvršenja ugovora,
- e) navode o uredno izvršenim ugovorima.

Ukoliko ugovorni organ bude imao sumnje o postojanju okolnosti vezanih za tehničku i profesionalnu sposobnost kandidata, isti će se obratiti nadležnim organima s ciljem pribavljanja potrebnih informacija u predmetnom postupku.

Obzirom da se ne mijenja suština predmeta nabavke krajnji rok za prijem ponuda ostaje nepromijenjen.

Ispravka od 29.01.2019. godine